



منال أحمد محمد حسن
مؤلفة غنائية معتمدة بالإذاعة
والتلفزيون، 4 دواوين (تغريد-
نبضات قلب- إشراقات- فيروزات
غنائية- مؤسس ورئيس نادي
أدب التذوق، لها أعمال بالإذاعة
التلفزيون مثل أغنية أيام
رمضان، تلحين شريف الأبيض،
وغناء عاطف الشريف، وفوازير
رمضان منذ عامين بتلفزيون
الإسكندرية على سبيل المثال
برامج ولقاءات بقنوات فضائية.

أنا عاصي

أنا عاصي وكل زمان
فيه مني كثير
بكون ناسي
وأشوف الشر قبل الخير
وألاقي القلب بياخدني
يوقفني قصاد البير
أبص ألاقي بحر غريق

وأشوف الليل كأنه حريق
وأبص ألاقيني مرعوبة
ونا واقفة كأن عنية
معصوبة ومش شايفة
وألاقي ملاك شایل ف إيده ضمير
ويطلب مني إني أفوق
وأبص ألاقيه شایل ف إيده
حمامة وطوق
يهز ف إيدي وعيونه بتترجا
ألاقي الرعشة مسكاني
مع الرجا ويطلب مني
أني أتوب وإن ذنوبي
في أكثر منها ياما ذنوب
ف أقوله أنا عاصي فيقولني
في رب كبير
فأقوله أنا عاصي
فيقولني في رب كبير